

Mazarin  
2951

Qvestion, si la voix dv pevple...



RARE BOOK  
COLLECTION



THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL

Mazarin  
2951

UNIVERSITY OF N.C. AT CHAPEL HILL



00023009085



QUESTION,  
SI LA VOIX DV PEUPLE  
EST LA VOIX DE DIEV?



M. DC. XLIX.









# Si la voix du Peuple est la voix de Dieu?



CE Prouerbe passe dans la plupart du monde pour vne verité indubitable, & pour vn oracle parti de la propre bouche de Dieu : Et ie ne m'en estonne pas, pource que la plupart du mōde c'est le peuple ; & ce n'est pas merueille qu'il tasche d'autoriser vne maxime qui est si fort à son auantage. Mais ce n'est pas luy qui en doit estre le Iuge. Il est trop interessé dans cette cause pour en pouuoir cognoistre : & l'arrogance mesme qu'il a de se vanter d'entrer dans les iugemens de Dieu, semble approcher plustost de la temerité & du blaspheme, que de cette confiance modeste que la verité a accoustumé de donner ; n'estant pas vray semblable qu'il emprunte si hardiment le nom de Dieu, sans le prendre le plus ordinairement en vain.

Si l'Escriture S<sup>te</sup> met en quelque endroit de la conformité entre la voix de Dieu & celle du peuple, ce n'est pas pour donner du credit à la voix du peuple, à qui en vne infinité de lieux elle ne donne pour partage que la folie & la vanité, mais pour faire conceuoir à l'esprit humain la parole de Dieu plus venerable, & plus terrible.

Non est enim  
populus sa-  
piens. *Isai. 27.*  
Populū, &c.  
in quo nulla  
est sapientia.  
*Isai. 33.*

Leges populorum Vanæ sunt. *Hierem. 10.*

A ij

679608



C'est là le véritable sens du passage de Daniel, qui a donné lieu à ce proverbe. Où ce Prophete racontant vne de ses visions miraculeuses, apres auoir fait vne peinture surprenante de l'homme diuin qui luy estoit apparu: apres auoir dit *que sa face estoit resplendissante comme vn esclai; que son ail estoit vne lampe estincellante; ses bras & ses iambes, de l'airain enflammés; il finit en disant que sa voix ou son discours estoit la voix de la multitude.*

Et ecce vir  
vultus vestitus  
lineis, & re-  
nes eius ac-  
cincti auro  
obrizo, &  
corpus eius  
quasi chryso-  
litus, & facies  
eius velut  
species fulgu-  
ris, & oculi  
eius vt lapas  
ardens: bra-  
chia eius, &  
quæ deorsum  
sunt vsque ad  
pedes quasi  
species æris  
candentis, &  
vox sermonū  
ei⁹ quasi vox  
multitudinis.  
Dan. cap. 10.

Tonabit vo-  
ce sua mira-  
biliter. Iob 37.  
Vox Domini  
confringentis  
cedros, vox  
Domini con-  
cutientis de-  
sertum. Psal.  
28. Altissim⁹  
dedit vocem  
suam . . . . .  
commota est,  
& contremuit

terra. Psal. 17.  
& Psal. 45.

Et audiebam

sonū alarum, quasi sonum aquarum multarum, quasi sonum sublimis Dei, quum ambularent quasi so-  
nus erat multitudinis, vt sonus castrorum. Ezech. cap. 1. v. 24. Et vox erat ei quasi aquarum mul-  
tarum. Ezech. 43. Et audiui vocem aquarum multarum, & tanquam vocem tonitruui magni. Apo-  
cal. 14. Aquæ, quas vidisti, . . . . . populi sunt, & gentes, & linguz. Apocal. 17. Vt  
multitudini populorum multorum, vt multitudo maris sonantis, & tumultus turbarum sicut sonitus  
aquarum multarum sonabunt populi, sicut sonitus aquarum multarum. Isaie 17. à Virgil. 1. Æneid.

mesme



mesme que la sagesse du monde suiue: & mettre Dieu du parti des sots, & des meschans, dont constamment le nombre est le plus grād, & qui par cōsequēt font ce qu'on appelle le peuple.

Stultorum infinitus est numerus. *Eccles.* 1.

Ainsi la voix sacrilege de ce peuple barbare qui vient de souiller ses mains dans le sang de la personne sacrée de son Roy, deuroit estre la voix de Dieu: qui defend au contraire de toucher à ses oingts, & qui ne peut considerer d'autre voix dans ce parricide execrable, que celle de ce sang innocent qui crie à luy de la terre.

Nolite tangere Christos meos. *Psalms.* 104.

Cette reuolte generale des subjets contre les Souuerains qui s'est veüe en nos iours non seulement en Angleterre, mais en Espagne, en Pologne, en Moscouie, en Turquie, & dans nostre pauvre France aussi; monstre bien que c'est le doigt du Seigneur, & cette main pesante de Dieu, dont il est si souuent parlé dans l'Ecriture: mais gardons-nous bien de dire que ce soit sa voix, si ce n'est cette voix de fleau & de cholere, dont vn Prophete menace la ville de Ninie.

Digitus Dei est hic *Exod.* 8.

Facta est manus Domini, aggranata est manus Domini. *Ruth.* 1. *Reg.* 1. & *alibi.*

Vox flagelli, & vox impetus. *Nahum*

Cela peut faire penser que les Princes ont gasté pour la plupart ce caractere de la Diuinité, qui rendoit leur front majestueux, & terrible; & que les peuples n'y voyant point la iustice & la bonté de Dieu, ayent mécogneu en eux l'autorité & la puissance, qui estoient, peut-estre, les seuls traits qui leur en estoient demeurez; & qu'ainsi la desobeyssance des peuples aux loix du Prince, soit quelquefois vne punition de la desobeyssance du Prince aux loix de Dieu. Mais cela ne peut pas faire que l'action des peuples ne soit criminelle: & c'est ce qui fait la difference des crimes des Princes avec ceux des particuliers; que punir les crimes des particuliers, ce peut estre, & c'est ordinairement vne action de iustice: mais punir ceux des Princes, ce ne scauroit iamais estre qu'un crime.

C'est pourquoy ie trouue que cette indépendance, qui est la plus belle prerogative des Roys, au lieu de leur donner plus de liberté de mal faire, les doit rendre encore plus circonspects en toutes leurs actions, que les particuliers qui ont des Magistrats à qui rendre compte. Pource que comme il n'y a point de Iuge sur la terre qui puisse condamner ce qu'ils font, il n'y en a point aussi qui le puisse iustifier. Et ainsi fils contreuiennent aux loix, ce qui est bien plus remarquable en eux que dans les



personnes priuées, ils paroissent tousiours criminels aux yeux des peuples, qui se cōstituent pour Iuges de leurs actions, cōme ils voyent que personne n'en a la charge, & sont ordinairement Iuges injustes & passionnez, qui ne pronōcent rien qu'en tumulte, & qui n'executent leurs Arrests que par des seditions.

Dieu permet souuent que ces scandales publics arriuent pour apprendre le deuoir aux Princes, & punir les subiects aussi bien qu'eux : Mais *malheur à ceux par qui ils arriuent*. Si le Prince fait mal de ne pas viure selon la loy de Dieu, & selon celle de son Estat : le peuple d'un autre costé fait mal d'en prendre connoissance, & pis encore d'en entreprendre la punition. On voit bien dans la Sageſſe que, *Iugement rigoureux ſera fait de ceux qui ſont au deſſus des autres* : Mais ce iugement là n'appartient pas à ceux qui ſont au deſſous d'eux, autrement ils changeroient de condition. C'eſt pourquoy quand ſainct Paul ordonne aux Seigneurs de bien traiter leurs ſubiects, il ne les menace que du tribunal de Dieu, les faiſant ſouuenir *qu'ils ont vn Seigneur au Ciel qui a authorité ſur eux de meſme qu'ils en ont ſur leurs peuples*. *La vengeance eſt à moy*, dit le Seigneur, *& c'eſt à moy à rendre à vn chacun la recompence ou la punition qui luy eſt due*. Ne vous en mettez point en peine, ie la ſçauray bien departir en temps & lieu. Et ſi toute forte de vengeance eſt à Dieu, que Dauid appelle le Dieu des vengeanceſ ou des chaſtimens ; il n'y a pas de doute que celuy des actions des Roys luy eſt à plus forte raiſon particulieremēt attribué, comme au ſeul à qui ils doiuent rendre compte.

S'il eſt permis de porter la proportion que ſainct Paul met entre Dieu & les Rois, vn peu plus loin qu'il ne l'a portée, on peut meſme ſouſtenir que la ſujection des peuples enuers les Rois, doit eſtre en quelque façon auẽgle, auſſi bien que la ſouſmiſſion des hommes enuers Dieu. En effet ſi nous voulions examiner ce qui nous eſt propoſé de la part de nos Supérieurs, ſelon noſtre ſens particulier, qui ſeroit bien ſouuent ſelon noſtre paſſion, il arriueroit autant de deſordre dans la police, qu'il en arriueroit dans la Religion, ſi nous voulions examiner les myſteres qui nous ont eſté reuelez ſelon les fauſſes lumieres de noſtre raiſon ; & nous trouuerions des pretextes pour n'obeir iamais auſſi facilement que de raiſons pour ne rien croire.

Vx homini,  
per quem ſcā-  
dalum venit.  
*Matth. 18.*

Iudicium du-  
riſſimum his,  
qui præſunt,  
*fiet. Sap. 6.*

Dominus quod  
iuſtū eſt, &  
æquum ſeruis  
præſtare, ſciē-  
tes quod &  
vos Dominū  
habētis in ex-  
lo. *Coloſſ. 4.*  
Mea eſt ultio,  
& ego retribu-  
am in tem-  
pore. *Deut.*  
32.

Deus ultio-  
nū Dominus.  
*Pſal. 93.*



Juger des volontez du Prince, & examiner si ses commandemens sont iustes, ce qui se doit tousiours supposer, s'ils ne sont manifestement contraires à la loy de Dieu, ce n'est pas estre son subiect, c'est estre son Supérieur, ou tout au moins son égal. Et n'y obeir que lors que ce qu'ils commandent est loüable en soy, ce n'est pas faire vn acte d'obeïssance, mais d'une autre vertu: & ce n'est pas meriter de loüange en ce genre selon le raisonnement de S. Pierre. Que les peuples ne s'excusent donc pas de ne pas suiure les volontez de leurs Princes, sur ce qu'ils s'imaginent que leurs Princes ne marchent pas tousiours dans les voyes de Dieu. Ils se trompent pour l'ordinaire dans leurs imaginations; & quand l'enuie de crier les prend, ils crient indifferément contre les bons & cōtre les mauuais Princes. Dieu se sert souuēt de leurs imaginations trōpeuses, & les empesche de voir la verité. Quand son iour est venu, & qu'il est temps qu'ils s'attirent la punition qu'il y auoit long temps qu'il preparoit pour leur orgueil, & pour leur luxe. C'est ce que le Prophete Isaïe semble vouloir dire quand il menace les Iuifs de cette voix de retribution & de vengeance, qui viendra du Ciel en mesme temps que celle de la sedition du peuple sortira de la ville. Et quand il fait amasser les Rois & les armées dans les montagnes, & qu'il leur crie, *qu'ils ruinent tout, & qu'ils renuersent Babylone*. Cette voix de Dieu qui retentit de tous costez si épouuantablement, doit arrester ces voix licentieuses du peuple qui sortent de la ville, & non pas les aigrir: Pource que les Rois ne font en cette occasion que prester leur colere à Dieu, & executer l'Arrest de sa Iustice, au lieu de desobeir à sa loy, cōme le peuple leur objecte. Ce n'est pas aussi le zele de la loy de Dieu qui l'anime la plus part du temps; c'est son interest particulier. Ce n'est pas de ce que le Prince fait contre Dieu qu'il se met en peine, c'est de ce que le Prince demande de luy. Et qu'ainsi ne soit: Que le Prince aime autant de femmes, & face aussi bonne chere qu'il luy plaira; qu'il soit iureur, menteur, médisant, & colere s'il veut, on ne verra personne s'en émoüoir.

C'est en quoy le procedé des peuples paroist bien n'estre pas fondé sur la iustice comme ils le publient; Ils ne font point de bruit quand le Roy desobeit aux loix de Dieu, qu'il est sans

1. Epist. 2.

Exceca cor  
populi huius,  
& oculos  
claudet, ne vi-  
deat. *Isa* 6.

Eligam illu-  
siones eorum.  
*Isa* 56.

Vox populi  
de ciuitate,  
(ou selō d'au-  
tres interpre-  
tes)

vox tu-  
multus de ci-  
uitate, vox de

templo, vox  
Domini red-  
dendis retri-  
butionem ini-

miciis suis.  
*Isa* 56.

Vocaui fortes  
in ira mea...

vox multitu-  
dinis in mon-

tibus, vox so-  
nitus regū...

Domini, exer-  
citiū præ-

cepit militiæ  
belli...

va-  
sa furoris ei⁹,

ut disperdat  
omnē terrā...

Dies Domini  
crudelis ad

peruendā ter-  
ram in solitu-  
dinē. *Isa* 13.



controuerſe obligé de ſuiure : Mais ils ſe ſouſleuent quand il contreuient en quelque façon aux loix de l'Eſtat, au deſſus deſquelles la pluſpart des hommes aduoient que ſa condition l'eſleue. S'il contreuient à quelque declaration faite en vn temps où il eſtoit neceſſaire de la faire, ou ſ'il fait quelque choſe ſans les formes preſcrites par quelqu'un de ſes predeceſſeurs, c'eſt vn tyran qui abuſe de l'autorité Royale. Et on ne voit pas que bien ſouuent ces declarations ſont contraires à d'autres, ou qu'elles ne ſont pas bonnes dans le temps preſent, comme elles eſtoient dans le paſſé. Que ceux meſmes qui murmurent de l'infrac tion des Edicts, demandent la caſſation d'autres Edicts qui ſont partis de la meſme ſource, c'eſt à dire de l'autorité Royale, quoy que peut eſtre par des canaux differens : Et que celuy qui regne n'eſt pas de pire condition que ceux qui ont regné ; & a par conſequent auſſi bien qu'eux le droit de faire des Ordonnances nouuelles, ſelon les occurrences differentes, & d'interpreter les anciennes comme toutes celles du Royaume, dont il eſt l'appuy & le ſouſtien. Et non pas les peuples, dont le zele indiscret reſſemble à celuy de cet Iſraélite, qui ſ'imaginant que l'Arche d'Alliance alloit tomber, ſ'auança, ſans y eſtre appellé, pour la ſouſtenir, & fut frappé du feu celeſte pour auoir témoigné cette déſiance de ſon Dieu, & oſé mettre la main au Sanctuaire.

Oza, Paralip.  
2. cap 3.

L'inſolence des ſubjects contre leurs Souuerains n'eſt donc point approuuée de Dieu : & par conſequent lors que leur voix ſ'eſleue contre eux, ce ne ſçauroit eſtre ſa voix. Il a bien dit : *Ne vous fiez pas aux Princes, il n'y a point de ſalut avec eux :* mais il n'a iamais dit, Ne leur obeyſſez pas ; au contraire, toute l'Eſcriture ne preſche rien tant que l'obeyſſance, & la ſouſmiſſion. Le principal inſeignemēt que l'Apotre donne à Tite, & ce qu'il luy recommande dauantage, c'eſt d'inſtruire les peuples de Crete où il l'auoit laiſſé, *d'eſtre ſouſmis en toutes choſes à leurs Seigneurs, de taſcher de leur plaire en tout, & de ne les contredire en rien, de ne les frauder point de leurs droits, mais de leur garder toute fidelité, afin qu'ils couronnent, & accompliſſent la doctrine de Dieu en tout.* Obeyſſez à vos Superieurs, dit il aux Hebreux, & ſoyez ſouſmis à eux : car ils doiuent rendre compte de vous. Aux Romains : *Que toute perſonne ſoit ſouſmiſe aux Puiffances : car il n'y a point*

Nolite confi-  
dere in prin-  
cipibus in fi-  
liis hominū,  
in quibus non  
eſt ſalus.  
Pſal. 145.

Seruos domi-  
nis ſuis ſub-  
ditos eſſe in  
omnibus pla-  
centes, non  
contradicen-  
tes, non frau-  
dantes, ſed in  
omnibus bo-



point de Puissance qui ne vienne de Dieu; & celles qui sont establies dans le monde, sont ordonnées de Dieu; de façon que quiconque résiste aux Puissances, résiste à l'ordre de Dieu. Et peu apres: Ne vous soumettez pas seulement par force, mais par vostre conscience, ce sont les Ministres de Dieu. Rendez donc le tribut, & payez les impôts à ceux à qui vous les devez. Aux Colossiens: Obeyssez à vos Maistres charnels en toutes choses, & non pas pour leur plaire, mais dans la simplicité de cœur, & par la crainte de Dieu. Aux Ephesiens: Obeyssez avec crainte & tremblement comme à Iesus Christ, non pas à l'œil, & pour plaire aux hommes. Et à Timothée: Que tous ceux qui sont serfs & sous le ioug, estiment leurs Seigneurs dignes de tout honneur, afin que le nom de Dieu & sa doctrine ne soit point mesprisée.

Ce qui monstre bien clairement que l'obeyssance des peuples à leurs Souverains n'est pas vne simple ordonnance, ou coustume de police, mais que c'est vn commandement de Dieu, dont il n'y a point de raison humaine qui puisse dispenser. C'est pourquoy saint Pierre qui auoit receu encores plus particulierement de la bouche de Iesus Christ les instructions qu'il deuoit departir à son Eglise, va encor plus auant; & apres auoir commandé, de craindre Dieu, & d'honorer le Roy, il commande expressément d'obeyr à nos Princes, non seulement quand ils sont bons & moderez, mais quand mesme ils ne seroient pas raisonnables; & dit en termes expres que cela est agreable à Dieu; & que si nous ne leur obeyssions qu'alors qu'ils sont bons, nous ne meriterions aucune loüange; car la plus grande c'est quand on souffre inustement.

Tous ces oracles, & vne infinité de semblables dont l'Ecriture est remplie, sont autant de voix qui condamnent la desobeyssance des peuples, bien loing de l'autoriser. Et cela paroist bien expressément lors que Dieu establit vn Roy dessus les Iuifs: car apres leur auoir fait considerer toutes les violences que les Roys les plus cruels font en puissance d'exercer sur leurs subjets: apres qu'ils auront fait toutes ces cruautéz, leur

nam si dem ostendentes. vi doctrinam Saluatoris nostri ornent in omnibus. Ad Tit 2. Admone illos Principibus, & Potestatibus subditos esse dicto obedire. Ad Tit 3. Obedite Praepositis vestris, & subjacete eis: ipsi enim peruiigilant, quasi ratione reddituri. Hebr. 13. Omnis anima Potestatibus sublimioribus subdita sit: non est enim potestas nisi à Deo, quæ autem sunt à Deo, ordinatæ sunt. Itaque qui resistit potestati, Dei ordinationi resistit. . . . Subditi esto te, non propter iram, sed propter conscientiam. . . . Reddite ergo debita omnibus: cui tributum, tributum; cui vectigal, vectigal Rom. 13. Obedite per omnia Dominis carnalibus, non ad oculum seruientes, quasi hominibus placentes; sed in simplicitate cordis, quasi timentes Deum. Coloss. 3. Obedite Dominis carnalibus cum timore & tremore, &c. Ephes 6. Quicumque sunt sub iugo serui, Dominos omni honore dignos arbitrentur, ne nomen Domini & doctrina blasphemetur. 1. Timot. 6. Subiecti igitur estote omni humanæ creaturæ propter Deum: siue Regi, quasi præcendenti; siue ducebus, &c. Deum timete, Regem honorificate. Serui subditi estote in omni timore Dominis, non tantum bonis, & modestis, sed etiam discolis. Hæc est enim gratia apud Deum, &c. Quæ est enim gloria, si peccantes & collaphizati sufferitis? sed si benefacientes patienter sustinetis: hæc est gratia apud Deum. 1. Petri 2.



Hoc erit ius  
Regis: filios  
vestros tollet,  
&c. greges  
quoque vestros  
addecimabit,  
& eritis serui,

.....  
& clamabitis  
in die illa à  
cie Regis ve-  
stri, & nō ex-  
audiet vos  
Dominus.

1. Regum 8.  
Rex enim erit  
super nos, &  
nos erimus  
sicut omnes  
gentes, & iu-  
dicabit Rex  
noster, &  
egredietur  
ante nos, &  
bella geret  
pro nobis.

1. Regum 8.  
2. Politicor. li.  
3. cap. 14.  
Mus. 6.

dit-il, n'allez pas crier contre eux, ie ne vous exauceray point. S'il est donc vray, comme il me semble qu'il le paroist assez, que Dieu n'approuue pas que les peuples éleuent leur voix contre leurs Souuerains, quand mesme ils sont violens & cruels: à plus forte raison n'approuue-t'il pas qu'ils prennent iamais les armes contre eux.

Faire la guerre, c'est vn priuilege de Souuerain, toutes les loix l'establiissent, & la coustume l'autorise; c'est ce dont les Iuifs mesme conuindrent quand ils demanderent vn Roy. *Il sera sur nous comme les Roys sont sur les autres peuples: Il fera la guerre pour nous, & sera le General de nos armées.* Et pour ioindre à l'autorité de l'Escripture celle de la Philosophie, <sup>a</sup> Aristote dit que la plus grande prerogative des Roys, c'est d'auoir l'autorité souueraine & perpetuelle des armes: ce qu'il confirme par l'exemple d'Agamemnon, à qui il remarque que l'on contredisoit hardiment dans le Conseil, mais qu'on obeïssoit fort respectueusement à la campagne. Et parlant de plusieurs sortes de Monarchies; il remarque aussi que la Monarchie de Sparte, qui estoit la moins absoluë de toutes, & la plus temperée par les loix, auoit toutefois l'autorité absoluë de la guerre; ce qu'Herodote, qui estoit deuant luy, auoit desia remarqué, quand il auoit dit, que les Rois de Sparte auoient vne autorité si absoluë pour le fait de la guerre, qu'ils la pouuoient faire contre qui il leur plaisoit, sans que le peuple ny les Ephores s'y peussent opposer. S'il n'appartient donc qu'au Souuerain de faire la guerre, & que le peuple n'en puisse pas faire contre ses voisins sans son commandement expres, il luy appartient encor bien moins de la luy declarer à luy mesme. Il ne scauroit y auoir de cause legitime d'une rebellion si enorme, & la defense mesme de sa vie propre, qui est veritablement de droit naturel contre qui que ce soit, n'est pas approuuée de Dieu contre le Prince, non plus que contre le Magistrat. Il y a des exemples manifestes de cette verité dans l'Histoire des Iuifs, où l'on voit des milliers d'hommes égorgés, & des Tribus entieres decimées, sans qu'ils osent leuer les armes contre Moyse, qui estoit leur Conducateur, non pas par la crainte de succomber dans leur resistance, mais par le respect qu'ils auoient pour les commãdemens du Chef que Dieu leur



auoit donné. Dauid, que le Prophete auoit desia fait Roy en luy versant l'huile sacrée dessus la teste, & qui sçauoit que Saül auoit encouru la disgrâce de Dieu, se resolut de souffrir plustost toutes les miseres imaginables, que de leuer les armes contre luy. Il souffrit la faim avec patience, iusques-là qu'il fut obligé chez le Prophete Achimelech, de manger des pains de Proposition à faute d'autres, & contint tous ceux qui vindrent se joindre à luy dans le deuoir. Il ne fit pas comme les mescontens de nostre siecle: car sçachant que Saül alloit ruiner la ville de Ceilam où il estoit enfermé, il aima mieux en sortir, que d'attirer l'indignation du Prince sur cette ville, & se mit à fuir de desert en desert, & de nation en nation, de deuant la face de Saül, iusqu'à ce qu'en fin on luy apporta la nouuelle de sa mort; surquoy déchirant ses vestemens, il fit mourir celuy qui auoit eu l'impieté de seruir de ministre au desespoir de ce Prince, luy disant; Comment n'as tu point tremblé de mettre la main sur l'Oingt du Seigneur? 1. Reg. 23.

Cette histoire est bien vne pierre de touche veritable, dont l'on peut esproquer la soumission & la fidelité que les peuples doiuent auoir pour leurs Princes, quand mesme ils en seroient persecutez; & monstre bien par l'approbation qu'elle a dans l'Escripture que c'est l'exemple de cet homme, qui estoit selon le cœur de Dieu, qu'il faut se proposer, & qu'il faut suivre. 2. Reg. 1.

La rebellion ne sçauoit non plus l'autoriser par le pretexte du soulagement des peuples; Il n'y en a iamais eu de si injuste qui ne l'ait pris. Les deux Gracques, tous deux fort honnestes gens, & fort habiles, commencerent, sans y penser, la ruine de la Republique de Rome, par la loy qu'ils firent, pour faire restituer aux pauures des terres qui leur auoient esté destinées pour peu d'argent qu'ils deuoient donner à la ville, sur lesquelles les riches auoient mis l'encherre, & en auoient ainsi depossédé les pauures. Edict qui estoit raisonnable en soy, & approuué de Lælius, de Scipion, & des plus sages de ce temps-là: Mais cela leur acquit vne telle bienveillance parmy le peuple, & vne si grande haine parmy les grands, que la ville commença dès lors à se deschirer en deux partis; iusqu'à ce qu'apres les guerres ciuiles de Catilina, qui n'auoit pas des desseins si modererez qu'eux, de Marius, de Sertorius, & des autres: En fin



Cesar mit à bout ce que les autres auoient commencé, & changea le gouuernement de la Republique, dont il se fit le Tyran. Ils se plaignoient pourtant tous de la tyrannie des nobles & des riches, qui est ordinairement le sujet des plaintes du peuple, qui crie souuent contre son Roy legitime, comme contre vn tyran; ne voyant pas que ce sont deux qualitez incompatibles: pource que quelque absoluë que soit la Monarchie, pourueu qu'elle soit establie dans vn pays par le consentement des peuples, & par vne longue suite de temps, ce ne scauroit estre tyrannie. C'est le raisonnement du Philosophe qui dit,

Παρεχέτω τῷ τῷ  
 δ' ἄλλο μο-  
 ναρχία εἶδος,  
 οἷα παρ' ἑθνοῖς  
 εἰσὶ βασιλείαι  
 τῶν βαρβάρων.  
 ἔχουσι δ' αὖθις  
 τῷ δυνάμει  
 πᾶσαι παρὰ  
 πολλοῖαν τυ-  
 ραννικῇ εἰσὶ  
 δ' ὅμως καὶ  
 νόμον καὶ πα-  
 τέρων.

Arist. 3. Pol.  
 14.

Αὐτὴ δ' ὅτιν  
 ἐκ νόμοις ἀρχὴ  
 δεσποτικῇ καὶ  
 νόμον. Ibid.  
 Ἡ γὰρ βασι-  
 λεία, ποτὶς  
 βοῦνται τῷ  
 ἀπὸ τοῦ δι-  
 κού τοῖς ἐπι-  
 τελέειν γέροντι  
 καὶ κατὰ δίκην  
 βασιλείᾳ ἐν τῇ  
 ἐπεικῶν καὶ  
 ὑποφύλῳ ἀπὸ  
 τῆς ἡγεμονίας τῇ ἀπὸ τῆς ἀρετῆς ἡ καὶ τῆς ὑποφύλῳ τοῦτον νόμοις. ὁ δ' ὅτι τὸ ἐναντιὸν ἐκ τοῦ δήμου καὶ τοῦ πλῆθους  
 ἐν τοῖς γνωρίμοις ὅπως ὁ δῆμος ἀδικῆται μηδὲν ἴσθαι αὐτῶν. 5. Polit. cap 10.

Quare tu enarras iustitias meas? & assumis nomen meum per os tuum? Tu verò odisti disciplinam, & projecisti sermones meos. Psal. 49.

Eccles. 4.

Qu'il y a vne sorte de Monarchie, comme celles qui sont parmy les barbares, où le Roy a vne autorité approchante de celle de la tyrannie, encore qu'elle soit legitime & dans l'ordre, & selon les loix du pays. Et vn peu apres il remarque, que cette domination des barbares est ordinairement hereditaire, & selon les loix: C'est à dire qu'elle n'est pas pour celà tyrannique. Car les Tyrans, dit ailleurs Aristote, sont ceux qui commandent sans le consentement des peuples, encore qu'ils prennent leur origine du party du peuple contre les grands, & que les Tyrans se facent des fauteurs des peuples qui acquierent du credit parmy eux, en calomniant les grands contre lesquels ils promettent de les defendre; au lieu que le Roy se fait du parti des nobles, ou pour ses grandes vertus, & ses belles actions; ou pour celles de ses ancestres dont il herite la Couronne.

Qui voudra faire l'application de ces histoires & de ces passages à l'histoire de nostre temps, trouuera bien tost quels ont esté les Gracques, & quels ont esté les Tyrans. Et le Roy leur pourroit bien dire iustement ce que Dieu dit au pecheur: Pourquoi faites-vous tant de bruit de ma iustice? & pourquoi auez-vous tousiours mon nom dans vostre bouche, pendant que vous sortez de vostre deuoir, & que vous mesprisez mes paroles? L'obeyssance auroit mieux valu que ce grand sacrifice que vous pensiez faire de vous-mesme à vostre patrie. En effect voyons-nous qu'elle en ayt profité? Les émotions populaires (comme on a dit il y a long temps) sont des remedes pires mille fois que les maux qu'elles veulent guarir, & ne font que desoler les Estats

qu'elles



qu'elles se vantent de vouloir remettre. Et toutes ces guerres de Bien public se terminent ordinairement par vne paix de Bien particulier. Les Princes les commencent lors qu'ils ont quelque mécontentement, & les finissent dès le moment qu'ils ont eu satisfaction, cependant que les peuples qu'ils ont engagez dans leur malheur, y demeurent long temps apres eux: de façon qu'on peut dire d'eux à l'égard des peuples, ce que Solon en disoit à l'esgard de leurs Fauoris, qu'ils les traitent comme des iettons, que l'on iette aussi tost que l'on a trouué son compte, ou bien ce qu'en disoit Diogene, qu'ils se seruoient de ceux qui leur faisoient la Cour, comme de bouteilles qu'on élue soigneusement au plus haut des planchers tant qu'il y a quelque chose dedans, mais que l'on casse aussi tost qu'elles sont vuides. Ainsi dans le regne de Charles VI. le Duc de Bourgongne Philippe excitoit tantost des seditions dans Paris, & tantost il aydoit au Roy à les punir. Et son fils Iean qui suiuiot les mesmes maximes, eut bien de la peine à ne pas succomber luy-mesme aussi bien que tous ses Conseillers sous la fureur du peuple, à qui il auoit mis les armes à la main, & qui ne pouuoit plus supporter sa tyrannie. Ainsi dans la guerre du Bien public du temps de Louys XI. la paix ne tourna qu'au profit des Ducs de Bourgongne, de Bretagne, de Berry, & de Bourbon, pendant que les peuples, & beaucoup de particuliers furent oubliez. Sur quoy Philippe de Commines dit qu'il n'y eust iamais de si bonnes nopces qu'il n'y en eust de mal difnez. La guerre de la Ligue ne finit qu'alors que Monsieur de Mayenne vid qu'il ne pouuoit se faire Roy de France; & Monsieur de Mercœur qu'il ne se pouuoit faire Duc de Bretagne. Et apres que Henry IV. eust changé de Religion, il ne laissa pas d'y auoir encore des partis, pour monstrier que ce n'auoit pas esté pour la Religion qu'ils auoiét esté formez. Sous la regence de la feüe Reyne-Mere il sembloit que les Princes se renuoyassent l'esteuf les vns aux autres, afin qu'apres qu'un auoit fait du bruit, & qu'il auoit esté appaisé par quelque douceur, l'autre en fist aussi tost de mesme pour en auoir autant. Cependant les peuples n'en sont point encore desabusez; & si quelqu'un veut faire parmy eux ce qu'il a ouy dire que faisoit le Balaffré, s'il leur dit vn mot à



l'oreille, s'il leur oste son chapeau sans le cognoistre, ils s'imaginent aussi tost qu'il n'a point d'autre interest que la diminution des tailles & des impôts.

Posuisti nos  
opprobrium  
vicinis no-  
stris, & sub-  
fannationē &  
derisum his  
qui sunt in  
circuitu no-  
stro. Psal. 43.  
Ciuitas enim  
munita deso-  
lata erit, spe-  
ciosa relin-  
quetur, & di-  
mittetur quasi  
desertum, &c.  
Mulieres ve-  
nientes, &  
docētes eam;  
non est enim  
populus fa-  
piens. Isa. 27.  
\* Prophetæ  
prophetabant  
mendaciū, &  
Sacerdotes  
applaudēbant  
manibus suis,  
& populus  
meus dilexit  
talia. Hiere-  
mia 5.  
Populo huic  
factum est cor  
incredulū, &  
exasperans.  
Ibidem.  
Vidēs autem  
populus quōd  
morā faceret  
descendendi  
de mōte Moī-  
ses, congre-  
gatus a Iuer-  
sus Aaron di-  
xit, Surge, fac  
nobis Deos:  
Moysi enim  
nescim⁹ quid

C'est ce qui deschire depuis quelque temps nostre misera-  
ble Patrie, & ce qui nous met en opprobre chez tous les estran-  
gers, & nous fait la fable & la risée de tous nos voisins. *Cette  
grande Ville, qui estoit la merueille du monde, est desolée, & n'a plus  
que l'apparence de ce qu'elle a esté autrefois. Elle est delaissee comme vn  
desert; ce sont des femmes qui y gouvernent: car le peuple n'est point  
sage. \* Il se trouue des Prophetes qui prophetisent le mensonge, le peu-  
ple ayme cela, & il y a des Prestres mesmes qui y applaudissent. Le cœur  
de ce peuple est deuenu incredule, il interprete en mal tout ce que l'on  
fait. Si l'on parle de faire la paix, apres laquelle il y a si long  
temps qu'il soupire, & pour laquelle il s'est esmeu; il croit  
aussi tost que cela vient de la volonté que l'on a de le destruire,  
& se veut mutiner à cause que l'on fait vne chose qu'il s'est au-  
parauant mutiné de ce qu'on ne faisoit point. Si le Prince tar-  
de quelque temps a le venir visiter, pource qu'il est occupé à  
tenir loing de luy les anciens ennemis de l'Estat, dont sans ce  
soin de Pere & de Monarque tout ensemble il pourroit à la fin  
deuenir la proye: il murmure aussi tost, & aussi sottement que  
les Israélites, quand ils virent que Moysse demeuroit trop long  
temps sur la montagne, où il ne faisoit que leur attirer des be-  
nedictions, qu'ils dirent entre eux: Faisons-nous vn Dieu prom-  
ptement: car nous ne sçauons ce qu'est deuenu Moysse. Et qu'apres  
l'auoir fait, ils s'escrierent publiquement par les places, Voila le Dieu  
qui nous a sauuez de la captinité.*

On y entend encore des voix seditieuses & calomnieuses  
contre les personnes les plus sacrées. La pourpre de la Royau-  
té, non plus que celle de l'Eglise ne sont point à couuert de la  
noirceur de la mesdisance. Les lauriers les plus verts & les plus  
florissans se sentent de son vent pestilent, & sont attaquez de la  
foudre qui se forme dans cette region corrompue: Et ces au-  
gustes Senateurs qui se sont acquis depuis peu le tiltre de Pe-  
res de la Patrie, qu'ils auoient mise auparauant à deux doigts  
de sa ruine, ne sont pas maintenant les maistres des furieux à  
qui ils ont mis les armes à la main; & souffrent en eux la dimi-  
nution du respect qu'ils ont fait perdre au Prince. Ils ont veu



par experience qu'il est bien plus aisé d'exciter des seditions, que de les appaiser; & que ce n'est pas sur la faueur de la populace qu'ils doiuent chercher à s'appuyer, mais sur la solidité du Throsne, sur lequel toute leur autorité est fondée, & qui ne sçauroit tomber sans les entraîner avec luy dans sa cheute; n'estant à proprement parler qu'une participation de la grandeur des Roys, & qu'un rayon de leur gloire: semblables par consequent à ces astres qui se mettans entre la terre & le Soleil, ne sçauroient le faire eclipser qu'ils ne perdent en mesme temps toute la lumiere qu'il leur auoit communiquée, & qu'ainsi ils ne paroissent à la terre encore moins lumineux que celui qu'ils veulent obscurcir; & dépendant, pour mieux dire, encore plus des Roys que les astres ne dépendent du Soleil, qui ne les a point faits, mais qui a esté fait aussi bien qu'eux, & qui n'a par dessus eux que l'auantage d'estre le premier, & le plus grand luminaire. Au lieu que les Parlemens ont esté faits par les Roys, pour rendre en leur nom la iustice à leurs sujets; & ainsi ils ne peuuent auoir aucune autorité d'eux-mesmes, comme les astres qui peuuent auoir quelque lumiere qui leur soit propre, & par consequent dépendent d'eux bien plustost de la maniere dont les Roys dépendent de Dieu, sans le concours, & la continuelle conseruation duquel tous ses ouurages retomberoient dans le neant dont il les a tirez.

C'est là le sort de ceux qui s'attaquent à leurs Princes. Mais non seulement leurs maledictions retombent sur eux, elles attirent aussi la malediction de Dieu, qui est bien plus dange-reuse que la leur. *Tu ne diras iamais mal de ton Prince*, est-il en-ioint expressement dans l'Exode, comme le rapporte S. Paul. *Vous ne verrez pas le peuple impudent*, dit le Prophete Isaye, *vous ne pourrez pas souffrir le peuple qui est haut en paroles, & dans le vain discours duquel on ne comprend rien, pource qu'il n'a aucune sagesse. Sa bouche est pleine de malediction & d'amertume, & sa langue est chargée d'un venin plus subtil que celui des aspics. Sa voix n'a donc gar-de d'estre la voix de Dieu, puis qu'elle est accompagnée de tant de choses qu'il a en horreur. Mais s'il n'approuue pas que le peuple leue la voix ny les armes contre ses Souuerains, quand mesmes ils seroient injustes & violens; qui est ce que prouuent les passages & les exemples de l'Ecriture que j'ay allégué: il*

acciderit ...  
Dixerūtque:  
Hi sunt Dij  
tui, Israël,  
qui te educe-  
runt de terra  
Ægypti.  
Exod. 32.

Principi po-  
puli tui non  
maledices.  
Añ. 23.

Populam im-  
pudētē non  
videbis, po-  
puli alti ser-  
monis, ita vt  
non possis in-  
telligere di-  
serutudinem  
linguæ eius,  
in quo nulla  
est sapientia.  
Isaie 33.  
Os maledi-  
ctione & a-  
maritudine



plenum est, &  
venenū aspi-  
dum sub lin-  
guis eorum.  
*Psalm. 13.*

est certain qu'il approuue encore bien moins que le peuple ayt cette insolence contre ceux dont la domination est douce & modérée.

Je ne puis en cette occasion que ie ne condamne l'ingratitude ou pour mieux dire, l'impieté de ma Nation contre la meilleure, & la plus pieuse Reyne qui ayt iamais monté sur le throsne, & que ie n'aye honte de voir que tous les peuples de l'Europe ayent plus de iustice pour ses qualitez heroïques & Royales, que celuy à qui elle la rend avec tant de soin. Elle n'a point perdu dans les tempestes de la guerre ciuile, cette prudence qu'elle auoit conseruée dans ses malheurs particuliers, & a tesmoigné dans la minorité du Roy son fils, vne fermeté aussi inébranlable contre les persecutions de la fortune, qu'elle en auoit tesmoigné dans le regne du Roy son Espoux. Et c'est cette fermeté mesme qui luy deueroit attirer l'admiration de tout le monde, qui luy attire le blasme, & la haine de quelques esprits factieux. Elle auoit eu raison à son aduenement à la Regence, de se vouloir seruir des conseils d'un homme consommé dans vne infinité de negotiations, qui auoit esté comme collegue dans le ministeriat avec le plus grand homme que nous ayons iamais eu en France, qui se trouuoit seul saisi de la clef de toutes les affaires tant du dedans que du dehors du Royaume, dont le feu Roy luy auoit donné l'administration quasi aussi souuerainement qu'à ce grand Ministre qu'il auoit perdu; & qu'en mourant il luy auoit ordonné de prendre pour le chef du Conseil de sa Regence. En effet le desordre & la confusion dont fut remply l'espace de temps qui se passa entre la mort du feu Roy & le reestablisement de Monsieur le Cardinal Mazarin, monstre bien que ce fut vne chose tout à fait necessaire pour entretenir le credit que nous auions acquis chez les estrangers. Mais si luy auoit eu raison de le reestabli dans cette premiere place, il y a eu encor bien plus de raison de l'y maintenir. Son bannissement estoit la premiere démarche des seditieux, mais ce n'estoit pas où ils vouloient demeurer. Leurs libelles sentoient desja le leuain d'Angleterre & de Hollande, & demandant des Conseillers zelez pour le bien public, ils faisoient assez entendre qu'ils vouloient dire des Conseillers zelez pour la Republique. Ma main tremble d'une



d'une horreur legitime se voyant forcée de mettre sur le papier des choses qu'il n'y auoit pas apparence qui peussent iamais tomber dans l'esprit d'un François. Et cependant on se mettoit en ce danger, si l'on eust d'abord relasché aussi foiblement qu'a fait ce pauvre Prince, qui est maintenant la matiere de la pitié de toute la terre. La seule chose dont il a eu regret en mourant, c'est d'auoir abandonné le Vice-Roy d'Irlande à la fureur du peuple, qui le luy demanda. C'est le seul crime que ce Roy miserable ait commis, & dont il a esté puny trop rigoureusement: Et en signant l'Arrest de la mort de son fauory, il ne preuoyoit pas qu'il composoit luy-mesme l'Arrest de la sienne.

Pour nostre bonheur nostre grande Princeesse a resmoigné plus de resolution, quoy que dans vn sexe où elle estoit plus excusable d'en auoir moins. Les menaces qui intimiderent Charles Stuart, n'ont point esbranlé le cœur d'Anne d'Autriche; & elle a mieux aimé s'exposer à toutes sortes de perils, que ne pas garder à son fils sa Couronne aussi entiere que son pere luy auoit laissée. Elle a eu tousiours deuant ses yeux & sa memoire, & ses dernieres volontez: Et elle luy peut dire iustement ce que Dauid disoit à Dieu: *Toutes ces calamitez sont venues dessus nous, & cependant nous ne vous auons point oublié, & nous ne pouuons pas auoir mal fait, puis que nous auons executé vostre testament*: C'est à dire, puis que malgré les cris & les murmures de cette ville, dont vous auez tousiours veu à contre-cœur le luxe & la dissolution, nous auons gardé aupres de nous cet homme, de qui vous nous auez commandé en mourant de suivre les conseils, & que dans ces momens où l'ame estant plus proche de retourner au lieu de son origine, est aussi plus éclairée, vous auez iugé necessaire à l'affermissement de l'Estat que vous me laissiez, & à l'establissement des conquestes que vous auiez faites.

*Hæc omnia  
venimus su-  
per nos, nec  
oblitum  
est, & inique  
non fecimus  
in testamēto  
tuo. Psal. 43.*

Les anathemes sanglans que l'on a prononcez contre luy, ne sont point des voix de Dieu, encore que ce soit des voix du peuple; c'est pourquoy elle ne les a point écoutez. Il est vray que l'Escripture en fulmine, mais ce n'est pas contre ceux à qui le peuple les applique: Et ie m'estonne comment des personnes qu'il paroist l'auoir leüe, ont le front d'en alleguer vne infinité de passages, pour prouuer que les Ministres d'Estat

*REFUTA-  
TION DV LI-  
BRE IN-  
TITULÉ,  
L'Anatheme  
du Ministre  
d'Estat estran-  
ger.*



estrangers sons maudits de Dieu, cependant qu'ils ne peuvent pas manquer de voir eux-mesmes en les citant, qu'ils ne sont nullement propres à leur dessein malicieux.

Si on vouloit introduire parmy nous toutes les loix contre les estrangers qui estoient parmy les Iuifs, non seulement les Italiens & les Allemans seroient bannis de nostre commerce, mais les François seroient estrangers aux François mesmes, aussi bien que les Iuifs, dont vne tribu ne pouuoit s'allier avec les autres, comme il paroist dans les endroits de la Genese, & des Nombres, dont il est question. Sous cette loy, aussi dure que le cœur des Iuifs à qui elle auoit esté dōnée, Dieu n'estoit pas si liberal de ses benedictions, comme depuis qu'il a enuoyé son propre Fils sur la terre. Il n'y en auoit pour lors qu'un canton qui fust consacré à Dieu: Et comme les Grecs appelloient tous les autres peuples barbares, à cause qu'ils se croyoient seuls sçauāns & polis, les Iuifs appelloiēt tous les autres peuples maudits, à cause qu'ils se croyoient seuls fideles. Au lieu que maintenant toute la terre est à Dieu: & nous ne sommes plus qu'un mesme peuple en I E S V S C H R I S T, qui est nostre Roy, & nostre Chef; ce qui fait que le nom d'estranger ne se doit plus dire parmy nous au sens de l'Escripture en beaucoup d'endroits, où il veut dire infidele & payen. La pluspart des autres anathemes de l'Escripture s'adressent aux Philistins, aux Cetheens, Iebuseens, Amorreens, & aux autres anciens ennemis des Iuifs qu'elle veut que le peuple de Dieu deteste. Et dans les affaires presentes, quels doiuent estre reputez estrangers de cette sorte? ou ceux qui assidus aupres d'un Prince, n'employēt toutes leurs pensées & tous leurs soins qu'à le rendre triomphant des anciens ennemis de son Estat, & à luy faire gagner sur eux des batailles, & des places? Ou ceux qui font des ligues avec eux, & qui appellent leurs armes dans le cœur de son Royaume?

L'Escripture defend aussi que l'on prenne un estranger pour Ministre. Mais cette equiuoque de Ministre d'Estat, avec Ministre de la parole de Dieu, est si puerile, qu'elle ne merite pas de responce: & seroit plus excusable dans un Rondeau, qu'en une piece si sainte comme l'auteur s' imagine qu'est la sienne.

Elle ne condamne donc point les estrangers dans la qualité

*Genes. 24.  
Num. 26. &  
alibi.*

*Psal. 53.  
Psal. 118.  
Isai. 17.  
Ezech. 28. 30.  
31. Hierem. 8.  
51. 30. Ioel. 3.  
Hierem.  
Thren. &c.*

*Num. 3.  
Num. 16.*



simple d'estrangers; au contraire en vne infinité d'endroits elle les recommande avec la vefue & l'orphelin. Dans l'Exode vne des loix qui font données au peuple Iuif, est de ne point contrister, ny affliger l'estranger : *Ne luy faites point de mal ny de peine : car vous avez esté estrangers en Egypte. Ayez les estrangers,* dit le Deuterome. *Soyez aussi équitables enuers l'estranger qu'enuers vostre citoyen,* porte le Leuitique. *Ne calomniez point l'estranger,* dit Zacharie. Mais Ezechiel reprochant à la ville de Hierusalem tous ses crimes, en dit des choses sur ce sujet, qui méritent bien d'estre remarquées. *Les Princes,* dit-il, *au milieu d'elle sont comme des loups ravisans, ne se souciant point de resspandre le sang & de perdre les ames, & ne cherchant autre chose que le lucre. Le peuple ne fait qu'inuenter calomnie sur calomnie, que prendre par force le bien des particuliers, & persécuter l'estranger, qu'ils oppriment par leurs médisances, & condamnent sans aucune forme de iustice. Ce procédé n'a donc iamais esté approuué parmy les Iuifs : qui n'ont pas esté seulement estrangers en Egypte, comme Dieu leur repete souuent, mais qui y ont veu pour premier Ministre le chef de leur nation, le Patriarche Ioseph; que Pharaon, encor qu'il fust estranger, ne laissa pas d'y establir avec vne telle autorité, qu'il ne se remuoit rien en Egypte que par son ordre, & qu'il n'y auoit que la Couronne à dire qu'il ne fust Roy. Et cependant ce fut sous son administration que l'Egypte fut la plus heureuse. Daniel fut élevé en Perse par dessus tous les Satrapes du Royaume; & apres auoir triomphé de la malice de tous ses enuieux, il y demeura dans la mesme consideration dans tout le regne de Darius, & dans tout celuy de Cyrus. Mardochée y fut dans la mesme posture sous le regne d'Assuerus, ou Artaxerxe, qui le fit son premier Ministre. Esdras & Nehemias ne furent pas veritablement dans vne si haute faueur apres de Cyrus & d'Artaxerxe; mais ils y furēt neantmoins en si grand credit, qu'ils en obtindrent la liberré de tout le peuple Iuif, & de l'argent pour rebastir le Temple de Hierusalem. Et encore qu'il ne soit pas si ordinaire que les peuples se soumettent au gouvernement d'un estranger, pource que ceux du pays y ont la meilleure part, & avec raison, ce n'est pas toutes fois vne chose si estrange dans les histoires que l'on s' imagine.*

Tous les peuples de la terre n'ont-ils pas autrefois esté cher-

*Aduenam nō contristabis, neque affliges eum : adueni enim fuitis in terra Egypti.*

*Peregrino molestus non eris : quia & ipsi peregrini fuitis, &c.*

*Exod. 22. 23.*

*Vos ergo amate peregrinos : quia & ipsi peregrini fuitis, &c.*

*Deut. 10.*

*Æquum iudicium sit inter vos, siue peregrinus, siue ciuis Leuit.*

*24.*

*Pupillum, aduenā, & pauperem nolite calumniari.*

*Zachar. 7.*

*Principes ei⁹ in medio illi⁹ quasi lupi rapientes prædā ad effundēdū sanguinem, & perdēdas animas, & auarē ad sēctā lucra. . . . .*

*Populi terræ calumniabātur calūniā, rapiebāt violentē, & aduenam opprimebāt calumniā absq; iudicio. Ezech. 22.*

*Genes. 41.*

*Dan. 6.*

*Esther 6 & 9.*

*Esdra 1. & 2.*



cher dans le pays de Monsieur le Cardinal Mazarin des hommes qui les sceussent commander? Les Parthes & les Germains, les plus orgueilleux peuples du monde, & les plus jaloux de la gloire de leur nation, n'ont-ils pas pris des Rois de la main des Empereurs Romains, & de leurs Lieutenans? Et ces mesmes Romains, dans le plus haut point de leur grandeur, n'ont-ils pas admis des estrangers, non seulement au droit de bourgeoisie, comme la pluspart des estrangers vn peu remarquables; & dans les premieres places du Senat, comme Senèque, & beaucoup d'autres, dont ma memoire ne me fournit pas à present les noms, mais à l'Empire mesme: comme Trajan, Adrian, & beaucoup d'autres qui les ont suiuis? N'ont-ils pas depuis appellé les Gots & les Vandales? tantost les Lombars, & tantost les Francs? Les Allemans ne sont-ils pas encore estrangers dans l'Empire Romain? La maison d'Austriche n'est-elle pas estrangere en Espagne? & quasi toutes les maisons qui regnent, n'ont-elles pas esté estrangeres dans les pays où elles regnent? sans parler des Royaumes electifs, où non seulement les peuples traitent aussi également les estrangers, que leurs compatriotes; mais les preferent le plus souuent pour éviter la diuision de ceux du pays qui y peuuent pretendre.

REFUTATION  
DV LIBELLE  
INTITVLE,  
*Raisõs d'Estat  
contre le Mi-  
nistre estranger.*

C'est pourquoy l'autheur de ce libelle ne deuoit pas alleguer l'exemple de la Pologne, où il n'y a pas si long temps que Henry III. a esté esleu Roy, pour l'auoir oublié, & où mesme à present la famille qui regne n'est pas Polonnoise, mais Suedoise: Non plus que l'exemple de la Republique de Venise où il n'y a pas long temps que cet Estranger qu'il maudit, a esté receu avec éloge dans l'auguste corps de ce Senat si celebre pour sa prudence & pour sa resolution. Faueur si signalée, que le Cardinal de Richelieu eut vne tres-grande peine à l'obtenir, & s'estima apres plus recommandable par cette qualité, que par toutes celles qu'il auoit dans le Royaume. Mais sans aller chercher dans les histoires tant anciennes que modernes le grand nombre d'hommes illustres qui ont eu du credit dans les pays où ils estoient estrangers, & particulieremēt des Italiens; comme des Farneses, des Gonzagues, des Collonnes, des Doria, des Spinola, & des autres à qui les Roys d'Espagne ont confié les plus hauts emplois de leur Monarchie. Sans parler  
de nos



de nos François mesmes, comme de Bertrand du Guesclin, qui eut l'honneur de remettre vn Roy de Castille sur le Trône, des grands hommes tant d'Eglise que d'espée qui ont gouverné en Escosse pendant la Regence de Marie de Lorraine, & pendant le regne de Marie Stuart sa fille: de Pontus de la Garde, simple gentilhomme François, qui de petit cadet de de là le Loire deuint Connestable de Suede, où son fils a encore cette charge. La France seule, comme le pays du monde que l'on loüe le plus pour son hospitalité, fournit assez d'exemples de familles estrangeres qui y ont eu du credit, comme des Connestables Stuart ou d'Aubigny maison Escossoise, de ceux de Montmorency, originaires de Flandres, où les aînez de cette maison sont encor en grande consideration; des Ducs de Guise, qui ont gouverné si absolument en France sous tant de Rois, & à qui l'on reprochoit tousiours qu'ils estoient estrangers; des Ducs de Nemours, de Neuers, de Bouillon Lamark, des Schombergs, des Bassompierres, qui auoient tant de credit du temps de Henry IV. & de Louïs XIII. des familles de Strozzy de Sienne, d'Ornano de l'Isle de Corse, des Fiesques de la ville de Gennes, & des Gondis, qui doiuent leur établissement en France au Mareschal & au Cardinal de Rets, qui y ont esté fauoris du temps de nos peres, encores qu'ils fussent Italiens aussi bien que celuy à qui on le reproche maintenant. Et si on vouloit examiner la genealogie de la pluspart des grandes familles de France, elles se trouueroient auoir commencé quasi toutes par des estrangers. Mais si quelque estranger doit passer pour François naturel, ce doit estre le Cardinal Mazarin plustost qu'aucun autre. Si on ne songe qu'au premier moment de sa vie, on trouuera veritablement qu'il n'a pas esté François: mais si on compte tous les autres, on trouuera qu'ils ont esté employez pour la France, & qu'ainsi il est bien moins Italien que François; & que par consequent sa qualité d'estranger ne le doit point exclure du ministere. Je dis bien dauantage, que de deux hommes également habiles, & également versez dans la cognoissance des affaires d'un Estat, il n'y a pas peu de lieu de douter lequel est le plus à desirer à des peuples pour Ministre; ou celuy qui seroit de leur país, ou vn estranger: pource qu'ils doiuent desirer celuy qu'il y a



apparence qu'il les gouvernera plus doucement, & il n'y a point de doute que selon toutes les apparences vn estrange doit en vser de cette sorte. Pource qu'un homme qui est appellé au gouvernement d'un Royaume, dont il ne fait point partie, doit s'imaginer que tous ceux du pays sont autant d'envieux qui croient qu'il occupe vne place qui leur est due, & ainsi il doit s'efforcer bien davantage de faire voir qu'il en est plus digne qu'eux. Secondement, n'ayant aucun appuy de son chef, il doit bien auoir plus de soin de se faire des amis, qu'un du pays, à qui la naissance, & ses alliances en donnent. En troisieme lieu, il doit auoir beaucoup plus de crainte qu'on ne soit mécontent de luy, & qu'on ne se souleue contre luy, la qualité d'estrange pouuant seruir de pretexte au murmure, & n'estant pas propre pour concilier l'amour, si elle n'est secondée de beaucoup d'autres. Outre cela, il est encore bien plus indifferent enuers tout le monde, & bien moins passionné pour quelques-uns; & ainsi il luy est plus aisé d'estre iuste, & de ne se porter qu'à recompenser le merite. Comme aussi il est pour l'ordinaire moins intéressé, pource qu'encore qu'il fasse venir quelques-uns de ses parens de son pays (ce qui seroit inhumain, & de peu de naturel de ne pas faire) tousiours n'en a-t'il pas vne si grande suite comme les autres, ausquels il en naist à tous moments de nouueaux, de toutes conditions, & capables de toutes charges. C'est pourquoy Catherine de Medecis, apres la mort du grand Duc de Guise François, ietta les yeux sur Christophle Duc de Witemberg, estimé de ce temps là pour sa prudence singuliere, l'enuoya prier de venir l'assister de son conseil dans l'embarras où estoient les affaires de la France pour lors, & luy en offrit l'intendance generale pendant la minorité du Roy son fils; preferant ce Prince estrange à tant d'hommes illustres, dont la France estoit remplie pour lors. Ce n'est pas aussi à cause que Monsieur le Cardinal Mazarin est estrange, qu'on luy en veut; c'est parce qu'il est Ministre. La faueur n'a iamais esté sans estre enuiee; & vn mesme homme peut rarement acquerir l'amour du Prince, & l'amour des peuples. De tout temps on a attribué tout le mal que faisoient les Princes, aux Fauoris qui les approchent. Tacite remarque que c'estoit la coustume du peuple de Rome. Et Dio-

*Thuan li. 34.  
anno. 563.*

*Annal. lib. 4.  
Lib. 2. cap. 3.*

dore Sicilien dit la même chose de celui d'Egypte. Le plus saint & le plus parfait de tous les hommes ne sçauoit estre dans cette place, qu'il ne passe aussi tost pour vn meschant, & qu'il ne fasse crier tous ceux qu'il ne peut satisfaire, Moïse qui auoit esté choisi de Dieu pour operer ses merueilles, & qui auoit sauué les Iuifs de la captiuité d'Egypte; luy qui auoit fait descendre la manne du Ciel pour les nourrir, & fait sortir de l'eau des rochers pour leur donner à boire, ne laissa pas d'esfuyer la haine qui s'attache tousiours à ceux qui ont de l'autorité. Son frere même Aaron fut ialoux du credit qu'il auoit. *Dieu ne nous a-t'il pas parlé aussi bien qu'à luy, disoit-il? Pourquoi donc s'eleue-t'il au dessus de nous? Pourquoi vous attribuez-vous vn si grand pouuoir sur le peuple de Dieu?* crioient hautement Coré & Abiron. *Qu'il vous suffise que nous sommes tous fideles au Seigneur aussi bien que vous.* Ils ne manquerent pas de prendre pretexte sur ce qu'il les faisoit mourir de faim; Aussi bien que les Parisiens ont dit ces iours passez: mais ce n'estoit qu'à cause qu'ils ne pouuoient souffrir le ioug auquel Dieu les auoit soumis, & qu'ils vouloient auoir la liberté de faire & de dire toutes choses.

Num. per so-  
lum Moysen  
locut<sup>9</sup> est Do-  
minu? Nōne  
& nobis simi-  
liter est locu-  
tus? Num. 12.  
Sufficiat vo-  
bis, quia om-  
nis multitudo  
sanctorū est,  
& in ip̄is est  
Dominus: cur  
eleuamini su-  
per populum  
Domini?  
Num. 16.

Les plus grands crimes que le peuple luy impose sont, qu'il a intelligencē avec les Espagnols, qu'il n'y a point d'argent dans le Royaume, & que la paix n'est point faite.

Pour ce qui est du premier, qui est veritablement dans la bouche de quelques vns, mais dont la plus grande partie de ses ennemis se moque, la haine que les Espagnols ont pour luy le iustifie assez, & l'enuie qu'ils ont qu'il soit esloigné de la Cour, monstre bien qu'il n'y auance pas beaucoup leurs affaires. Et pour quelle raison feroit-il vne si grande trahison? Toutes les choses de ce monde se font par interest, & particulierement celles qui sont contre le deuoir. On ne s'aduise gueres de faire vn crime pour rien. Et quel interest a-t'il que les Espagnols reprennen les places que nous auons en Flandres? & qu'ils appaisent les troubles de Naples & de Sicile? Puis qu'il est de ce pays-là ne pouuoit-il pas trouuer dans la reuolution generale de son pays, quelque conjoncture fauorable pour l'ambition, la plus haute dont il auroit esté capable? N'estoit-ce pas son fait que les deux Royaumes secoïassent tout à fait le ioug

L'OBJECT 8.  
Que le Card.  
Mazarin a  
intelligence  
auec l'Espa-  
gne.



d'Espagne, & se remissent sous la domination de France, qui l'y auroit pû establir ou Vice-Roy ou Vicaire, qui est vne qualité assez commune en Italie? Moyennant quoy il auroit pû donner des Principautez à ses parens, s'il est vray qu'il ne cherche que cela, & disposer entierement de ces deux grands Estats, à cause de leur esloignement, & de sa faueur.

Il est donc ridicule d'alleguer ces reuoltes non seulement de Naples & de Sicile, mais du Milanois, qui auoient esté mesnagées depuis si long temps avec tant de soin & d'adresse, & qui n'ont manqué de reüssir, que par vne pure permission de Dieu, qui nous a donné, comme à la mer, des bornes que nous n'auons sceu passer. Comme il est injuste pareillement de compter quelques autres petits malheurs qui nous sont arriuez depuis que ses ordres ne sont pas si ponctuellement suivis, & que l'obeïssance s'est vn peu relaschée; & de ne pas compter le nombre des batailles & des places gagnées pendant son administration. Et ie ne sçay pas comment ces grands Politiques recognoissant qu'il a intelligence avec les Espagnols, se veulent si hautement declarer ses ennemis, pendant qu'ils s'allient tout ouuertement avec eux: Estant, ce me semble, selon les regles de la bonne foy, d'auoir mesmes amis & mesmes ennemis que ceux avec qui on s'allie; & selon les regles de la prudence, de ne pas descourir à l'amy de son ennemy le dessein qu'on a de le perdre.

II. OBJECT.  
*Qu'il n'y a  
point d'argent  
en France.*

La seconde chose qu'on luy objecte, c'est qu'il n'y a point d'argent en France. Il est certain qu'il y en doit auoir beaucoup moins que du temps du Cardinal de Richelieu, sans qu'il soit besoin que Monsieur le Cardinal Mazarin en ait enuoyé des flottes en Italie, & des charettes à Sedan. La premiere année de la Regence est, à ce que quelques vns ont dit, vn abyfme de Comptans où les Financiers ne voyent goutte. Et ce n'est pas merueille si la Reyne, qui ne s'estoit point encore veüe en estat de faire du bien à personne, se laissa d'abord aller à ce plaisir genereux & vrayemēt Royal, de satisfaire à son humeur liberale, & de recompenser les seruices de ceux qui luy auoient esté fideles. Ce n'a pas esté là l'argent le plus mal employé; & c'est peut-estre ce qui luy a attiré tous les bonheurs qu'elle a eus en suite. Car cet abyfme où il s'est perdu, s'a esté la France  
mesme

mesme ; & ainsi il n'y a eu que le Roy qui s'y est appauvry, pendant que la France s'y est enrichie.

Il faut donc considerer que depuis la mort du feu Roy nous n'auons fait autre chose que conquerir, & nous estendre bien loin dans les pays estrangers, dans l'Italie, dans l'Espagne, & dans la Flandre. Nous n'auons quasi point eu de guerre sur nos frontieres, mais dans le cœur du pays ennemy : Et ainsi tout l'argent qui y est allé, n'en est point reuenu, mais s'est distribué parmy les estrangers. Il en a fallu vne quantité espouuantable en Catalogne particulièrement, où les François ne peuuent rien prendre sans payer ; & en Italie aussi, où il a sans doute plus cousté en Soldats & en Pensionnaires, que du temps du Cardinal de Richelieu : à cause que nous auons porté la guerre dans son sein, & par l'acquisition de deux places importantes que nous y auons prises, & d'une armée nauale qui y a tousiours tenu la mer, nous auons mis toute l'Italie en bransle, & auons esté pres d'y faire vn party aussi fort que celui d'Espagne. Chose que le Cardinal de Richelieu n'auoit iamais cruë possible, & qui y a imprimé vne aussi grande terreur du nom François, que du temps de Charles VIII. & de Louis XII. au lieu qu'auparauant à peine entendoit-on parler de nous, comme dit vn Historien des peuples de delà l'Elbe, dont c'estoit tout ce qu'on pouuoit faire à Rome que de scauoir le nom. Il a fallu outre cela pour les grands efforts qu'on a fait faire à nos Alliez, redoubler les subsides, & leur donner souuent des extraordinaires, ce qui n'estoit pas si necessaire du temps du feu Roy. C'est pourquoy il ne se faut pas estonner que dans tous ces frais excessifs que la Reyne a esté obligée de faire à son aduenemēt à la Regēce, où elle a trouué le Roy son fils endebté, & tout son domaine aliené ; elle n'ayt pas amassé de thresors : Puis que la feüe Reyne-Mere qui en auoit trouué que Henry IV. luy auoit laissez, & qui n'auoit point de guerre sur les bras, ne laissa pas de les dissiper, pour contenter les Princes, qui n'est qu'une sorte de despenſe entre mille dont nostre Regente est chargée, encore qu'elle monte beaucoup plus haut à present qu'elle ne faisoit en ce tēps-là.

Je ne mets point icy en question, s'il n'est pas plus auantageux à vn Estat florissant, & plein d'hommes naturellement

III. OBJECT.  
*Que la Paix  
n'est point  
faite.*



portez à la guerre, d'en entretenir vne eſtrāgere, par le moyen de laquelle il ſe deſcharge de mille mauuaiſes humeurs dont il eſt impoſſible qu'il n'abonde, & employe contre autrui des forces, qu'autrement il tourneroit contre ſoy-meſme; Pourquoy les grands Politiques ſouſſiennent tous, qu'un grand Prince doit eſtre touſiours armé: Que de languir dans l'oïſiveté, & dans le luxe, qui cauſent des deſordres plus grands, & des deſpenſes plus déreglées que celles qu'on veut éuiter par la paix, & où il n'y a point de matiere à la vertu heroïque. Je ſuppoſe que la paix dans vne Regence meſme eſt plus auantageuſe à la France, qu'une guerre éloignée, dont elle n'auoit rien apperceu iuſques icy que par les Gazettes, & par les Te-deums, & dont elle ne reſſentoit aucune incommodité, que celle de donner de l'argent pour la faire: pendant que les païs où elle la portoit, n'auoient pas ſeulement cette incommodité bien plus peſante encore qu'elle, mais auoient auſſi par-deſſus celle de nourrir nos armées, auſſi bien que les leurs. Dont elle doit auoir eſprouuée la difference dans le peu de temps de guerre ciuile où elle a eſté embarrasſée, qui l'a plus deſolée mille fois, que dix ans de celle dont elle ſe plaignoit.

Mais à qui a-t'il tenu que la paix ne ſ'eſt point faite? Toute la terre n'a-t'elle pas veu que dès le commencement de l'Affemblée de Munſter les Eſpagnols n'ont rien fait que tirer les choſes en longueur? Et la declaration qu'ils font à preſent de ne point vouloir entendre à la paix, que tout ce qui y a eſté fait, ne ſoit declaré nul, n'eſt-ce pas vne marque certaine qu'ils n'ont iamais eu enuie d'y rien faire? ou du moins qu'ils n'ont iamais eu deſſein de tenir ce qu'ils y auroient fait quelque ſolennellement que ce fuſt? Je ne ſçay comment Meſſieurs le Nonce du Pape, & l'Ambaſſadeur de Veniſe peuuent porter de telles paroles ſans quelque conſuſion; puis que cela ne peut tourner qu'au meſpris du S. Siege, & de l'Auguſte Republique, qui ont moyenné l'ajuſtement de tous les articles, dont l'on y eſt conuenu, & qui en ſont par conſequent les garands: & ie ne voy pas quelle aſſurance on peut auoir que ce qu'on traitteroit à cette heure avec eux ſeroit obſerué: puis qu'ils n'auroient pas apres cela plus de raiſons de ne ſ'en pas releuer, qu'ils en ont à preſent.

Tous les obstacles qui se sont trouvez dans la paix, ont esté vn effect continu de ce dessein, que Sauedra Plenipotenciaire d'Espagne ne peût mesme celer en partant de l'assemblée, quand il dit qu'il estoit bien aise de ne se pas trouuer à la signature d'une paix si defauantageuse pour son maistre, & qu'il n'y auoit pas d'apparence qui peust durer. Ils y estoient venus plustost pour nous des-vnir d'avec nos alliez, que pour s'unir avec nous : & nous auons eu plus de peine à nous defendre de tous les artifices qu'ils employoient pour cela, que des raisons qu'ils apportoit pour soustenir leur cause. Ils ont fait la cour aux Suedois, & ont mesme composé \* des liures, pour *Corona Gothica y Castellana.* monstrier l'ancienne alliance des Goths & des Espagnols. Et ils ont tasché par toutes sortes de deferences indignes de flatter les Hollandois, accordant d'abord la main & le tiltre d'Excellence aux Deputez de ceux qu'ils traittoient auparavant de rebelles : pource qu'ils voyoient que nous faisions quelque difficulté de leur donner ces auantages, n'y en ayant point encore eu d'exemple. La Reyne de Suede avec vne generosité digne de la fille du grand Gustau, na point biaisé dans l'obseruation de l'ancienne alliance de sa Couronne avec la nostre ; Et le grand Chancelier Oxensterna tousiours bien reconnu le veritable interest de sa patrie, malgré toutes les ruses malicieuses dont les Espagnols se sont seruis pour nous broüiller avec luy, & qu'un esprit moins esclairé que le sien auroit eu bien de la peine à descouurir. La Lådtgraue de Hesse, l'heroïne de nostre siecle : quelques aduersitez dont elle ait esté esproüée, & quelques aduantages qu'on luy ait offerts, n'a point balancé non plus. Et ce n'est pas merueille que les fineses ayent mieux reüssi parmy des esprits plus grossiers, plus susceptibles d'interest, & moins capables de la belle gloire.

Le faste d'Espagne ne s'est point abbaissé inutilement. Elle a crû ne pouuoir trop donner à la Hollande pour la payer d'une infidelité de cette consequence : Et la Hollande n'a pû se defendre d'accepter vne paix particuliere à des conditions qu'elle craignoit de ne pas obtenir, si elle la faisoit coniointement avec nous. Dès qu'elle a eu trouué son compte, elle nous a abandonnez là ; & ne s'est meslée de la mediation que



pour nous broüiller dauantage avec les Espagnols, croyant que son veritable interest estoit que nous ne nous approchassions pas tant d'elle, cōme nous faisions chaque campagne, & qu'il demeurast toujours entredeux vne puissance assez grāde pour empescher que l'on ne vint à elle, & pas assez forte toutefois pour la destruire; ce qui ne se pouuoit faire, suiuant sa politique, que par vne paix prompte: Et que cette paix estant faite, il luy estoit auantageux aussi que les deux Couronnes ne s'accordassent iamais, & s'affoiblissent au contraire de plus en plus l'vne par l'autre; afin qu'elle restast seule paisible au milieu de l'embrasement de toute l'Europe, & qu'ainsi elle assurest son Estat encore tout nouveau, & s'estendist plus aisément dans tout le monde par le commerce, dont le trafiq d'Espagne n'estoit pas vn petit accroissement, ce qui ne se pouuoit faire que par vne paix separée.

Après que les Espagnols eurent acheué ce grand œuvre, auquel ils traualloient depuis si longtemps, quelle apparence y auoit-il qu'ils voulussent la paix avec nous, qu'ils voyoient auoir moins d'une armée puissante sur la mer, & d'une puissante sur la terre? Tout le monde sçait que leur Plenipotentiaire quitta l'Assemblée aussi tost, sans laisser aucun pouuoir de la traiter à Mōsieur le Brun, qui eut bien de la peine en fin à en obtenir vn tel quel, & qui reçeut de grandes reprimēdes de Bruxelles pour auoir voulu entrer en matiere. De façon que l'on vit bien qu'il n'y estoit demeuré que pour empescher la conclusion de la paix d'Allemagne, qu'ils ne trouuent pas si peu honorable, ny si peu auantageuse à la France, qu'ils ne taschent par toutes sortes de voyes d'en empescher l'execution: Et où ils n'ont garde de nous faire l'objection que nous nous faisons nous-mesmes de la Religion, recognoissant bien que ce sont eux qui l'ont laschemēt abandonnée dans le Traité de Hollande, permettant à la fureur de l'heresie de grands pays tous entiers, qui n'en auoient iamais esté infectez: au lieu que dans celuy d'Allemagne nous en auons sauué plusieurs grāds Eueschez qu'elle s'estoit desia appropriez. Il semble que ce n'estoit pas tesmoigner vne trop grande auersion pour la paix, mais que c'estoit plutoſt faire la moitié du chemin que de s'accorder ainsi avec la maison d'Autriche, & que la cholere où  
la Cour

la Cour de Madrid a esté sur ce sujet contre la Cour de Vienne, est bien vne marque qu'elle ne veut aucune sorte d'accommodement avec nous.

Cela s'est passé à la veüe de toute l'Europe, qui en a esté estonnée : Et les Espagnols ont bien de la peine à se lauer de ce reproche qu'ils voyent que tout le monde leur impute. Et au lieu d'estre vnis aussi bien qu'eux sur vne chose où il y va de l'honneur de nostre Nation, il se trouue parmy nous des gens assez lasches, & assez insensez pour abandonner eux-mêmes vne cause si iuste, & pour inuenter contre nous des calomnies, dont nos ennemis mesmes n'ont pas la malice de s'aduiser, & qui n'ont rien de vray-semblable qui les puisse faire croire. S'il estoit vray qu'un de nos Ambassadeurs eust eu tout seul le secret de la negociation, & que sur le point que les deux autres estoient pres de signer, il eust tiré de sa poche des ordres de la Cour, qu'il auoit tout preparez pour cet effet, cela auroit esté si public, qu'il n'auroit pû estre ignoré de personne. Et cependant ceux avec qui on veut que cela se soit passé, n'en ont iamais rien sceu. I'ay eu la curiosité de les entretenir tous trois en particulier sur ce sujet, & ie dois tesmoigner qu'ils ont tous également desaduouïé cette supposition, & qu'au contraire ils m'ont protesté qu'ils n'auoient iamais receu de despeschés qu'en commun, & qu'ils n'en auoient point receu où il n'y eust ordre expres de haster la conclusion de cette paix, si désirée de tout le monde. En effet les auteurs de cette calomnie n'ont pas pris garde, qu'en voulant seulement noircir vn homme, que l'enuie auoit espargné iusques icy, ils deshonoreroient en mesme temps ceux qu'ils pretendoient exempter de blâme : Car y a-il quelque apparence qu'un grand Prince, & qu'un grand Ministre eussent souffert qu'on leur eust fait cette indignité de leur cacher quelque chose de leur employ ? Et quand mesme celuy qu'ils nomment confident de Monsieur le Cardinal Mazarin auroit esté capable de le servir dans vn ministère si honteux que celuy où l'on suppose qu'on l'a voulu employer; ce que ie ne sçauois croire d'un homme qui a dans toute sa vie passée tesmoigné trop d'amour pour l'honneur, pour vouloir tacher son nom du reproche eternal d'auoir empesché le repos de sa patrie ? Le zele qu'ils auoient tous deux



pour la paix, ne fust-il pas venu à bout de sa resistance? s'ils eussent veu quelque conjoncture fauorable pour acheuer vn ouurage dont il leur deuoit reuenir tant de gloire, & dont pas vn d'eux ne pouuoit trouuer de profit de reculer l'accomplissement.

Il n'est que trop vray que c'est à nous qu'il tient que la paix n'est point faite; mais ce n'est pas dans le sens que le prennent ceux qui l'escriuent. Ce sont les desordres de Paris plustost que les ordres de la Cour qui l'ont empeschée: & plus nous nous tourmentons de ce qu'elle n'est point faite, plus nous nous mettons hors d'estat de la pouuoir faire. Il y a dix ans que les Espagnols attendent ce qui est arriué en nos iours. Et les croyons-nous si despourueus de iugement pour y vouloir entendre, tant qu'ils verront qu'ils ont autant de partisans dans Paris que le Roy mesme, & cependant qu'on leur mande de tous costez que la paix ne sçauroit durer au dedans, & que l'on n'a pas moyen de faire la guerre au dehors.

Cela vient, dit-on, de ce que le Roy n'est point à Paris. Et pourquoy Paris ne se met-il en estat de le receuoir? Est-ce au Roy à faire les aduances avec le peuple, ou au peuple à se rendre digne de la veüe de son Roy? Et y a-t'il quelqu'un de ceux mesme qui crient le plus, qui voulust luy conseiller de reuenir dans sa ville capitale, pendant qu'on y crie aussi hautement des libelles tendans à exciter sedition, qu'on y crioit autrefois les relations de nos victoires, & qu'on y tient des discours, & qu'on y fait des choses aussi prejudiciables à son autorité, que lors qu'il a esté obligé d'en sortir? Nous crions vengeance contre les abominations que commettent les Allemans: Et nous auons bien l'impudence d'en accuser ceux qui leur enuoyent tous les iours tout l'argent qu'ils peuuent pour les faire esloigner; cependant qu'il part tous les iours des courriers de Paris pour les empeschier d'aller dans le pays ennemy, & pour les exciter de mettre tout à feu & à sang. C'est ce que veulent dire ces troupes insolentes lors qu'elles se vantent d'estre auouées de ce qu'elles font; & cela est assez public parmy elles, sans qu'il soit besoin de l'expliquer dauantage. Nous murmurons de ce que cette armée n'est point payée, non plus que les autres: Et à qui tient-il que le Roy ne re-

coiue dequoy ? Nous nous vantions de trouuer des-moyens de faire faire la guerre au Roy dix ans sans charger le peuple, si on nous vouloit croire : Et cependant nous auons osté au Roy le moyen de la faire, & nous n'auons point deschargé le peuple. De la recherche des Partisans il deuoit venir vn fonds inépuisable ; & cependant cette Chambre de Iustice qui a fait tant de bruit, n'a rien rapporté, & n'a fait qu'oster le credit au Roy, & ruiner vne infinité de particuliers qui luy auoient presté de l'argent. Personne ne paye dans les Prouinces : Et ce n'est pas que la France ne soit encore assez riche, mais c'est que ceux qui ont quelque chose, le cachent. Voila l'effet de cette belle leuée de bouclier, qui nous deuoit tous mettre dans l'opulence. Nous voyons bien que les despeses de l'Estat ne diminuent point, & nous demandons diminution de toutes les charges qui sont establies pour sa subsistance. Nous voyôs tous les iours que les familles des particuliers ne se peuuent pas entretenir à present pour cent fois autant que ce qu'elles despensoient du temps de nos Peres. Et nous voulons que l'Estat subsiste, & se maintienne pour aussi peu qu'en ce temps-là. Et nous nous escrions sur l'augmentation de ce que donnent toutes les Prouinces de France, comme si c'estoit vne augmentation du reuenu du Roy, qui auoit autrefois son domaine particulier, qui a esté engagé pour les frais de la guerre, au lieu que c'est proprement vne augmentation du reuenu de l'Estat : Et qu'ainsi ceux qui empeschent qu'il n'y ait dequoy le maintenir, ne s'attaquent pas seulement à l'autorité de nos Roys, qu'ils content maintenant pour peu de chose, mais sapent les fondemens mesmes de l'Estat, pour la grandeur duquel ils se disent si passionnez.

Que voulons-nous donc faire entretenant le desordre par tout ? quelles sont nos pretentions ? où est le profit que nous en croyons tirer ? Et que pensons-nous faire de souhaitter avec tant d'empressement l'esloignement d'un Ministre qui a seruy si fidelement le feu Roy, & qui a comblé l'enfance de son fils de tant de triumphes ? Croyons-nous en cela estre plus sages que cette grande Princesse, qui conuerse plus souuent avec Dieu qu'avec les hommes ? Pensons-nous auoir plus d'affection pour le bien du Royaume, que ces deux grands Princes,



qui ont tant d'intérêt à sa conseruation? Et nous imaginons-nous estre plus habiles que tant d'illustres personnages qui ont vieilly dans les plus hautes charges de l'Estat, & dans les negociations les plus importantes? Toutes leurs voix, qui doiuent estre escoutées avec respect, ne s'accordent point avec les nostres: qui est vne marque indubitable que celle de Dieu ne s'y accorde pas non plus. C'est au Roy à se seruir de qui il veut dans soy Royaume, comme à vn pere de famille dans sa maison; & encore bien plus absolument. Et il est obligé en conscience de ne pas laisser vsurper aux peuples le droit de luy oster les Ministres choisis de sa main, & de luy en donner d'autres à leur fantaisie.

Que sçauons-nous aussi bien ce que nous demandons? Est-ce nostre auantage de changer si souuent de Ministres, qu'il faut qu'ils se remplissent tousiours sur nouueaux frais, & qui ne tardent gueres à estre aussi haïs que ceux dont ils occupent la place? Si nous voulons vn Ministre qui nous gouuerne avec douceur: La plus part du monde tient que le plus grand défaut du nostre c'est d'en auoir trop, & que s'il eust poussé tous ses ennemis aussi loin que le Cardinal de Richelieu a fait les siens, il ne seroit peut-estre pas à la peine où à present il se trouue: mais quand son administration n'auroit pas esté douce, ny modérée, comme elle a esté iusques icy, nous deurions tousiours nous asseurer qu'à l'auenir elle ne pourroit pas manquer de l'estre: Estant croyable que l'image de cette grande ville irritée luy viendra quelquesfois deuant les yeux aussi bien que celle de la misere generale de la France, dont en cette occasion il a entendu les cris qu'on l'auoit empesché peut-estre iusques-là d'entendre. Si nous voulons vn Ministre constant, on l'a veu dans les tempestes qui se sont eleuées contre luy avec vn visage aussi serain, & aussi paisible qu'il en auoit eu dans la plus grande bonasse des affaires; & s'émouuoir aussi peu des calomnies dont on l'attaquoit, qu'on l'auoit auparavant veu se ressentir des loüanges qu'on luy auoit données, qu'on l'a tousiours accusé de rejettér vn peu trop austerement. Si nous en voulons vn qui ne soit point intéressé: Toute la France s'estonne du peu de bien qu'il possède en son particulier, du peu qu'il fait pour les siens, & de la liberalité avec laquelle



quelle il se despoüille de ses benefices en faueur de ceux qui ont besoin de recompense. Car il n'y a pas trop d'apparence qu'il ayt de grands thresors en Italie, où il y a si long temps que nous auons vne guerre, où il alloit de son honneur aussi bien que de celuy de la France, qu'il est à presumer que tout ce qu'on y a enuoyé, y a esté consommé; & qu'il a fallu mesme trouuer du credit par delà ce que l'on y a enuoyé. Et il n'est pas raisonnable de compter ce qu'il auoit deuant que d'estre premier Ministre chez nous: ce qui n'estoit pas si peu de chose, qu'il ne fust capable de luy faire entretenir vne despense plus honorable que celle des Cardinaux les plus accommodez. Comme il n'est pas iuste non plus de murmurer s'il a quelques bienfaits du Roy, ne pouuant faire moins que de viure del' Autel qu'il sert avec tant de peine; & s'il fait des alliances avec des Princes qui le souhaitent, & qui y trouuent leur compte. Les mariages estans des manieres d'auancer ses parens, qui ne sont nullement à la foule du peuple, & n'estant point honteux à quelque Grand que ce soit, d'espouser des filles qui sont des meilleures maisons de Rome, & qui ne cedent qu'à ces quatre premieres qui sont du temps de la Republique.

Si apres tout cela ennuyé de seruir vne terre qui n'a que de l'ingratitude pour les grands seruices qu'il luy rend, il vouloit se retirer dans celle où il tient vn rang assez considerable. Pourrions-nous mettre à sa place quelqu'un qui sceust establi au dehors les affaires de la France dans le credit où il les a mises, & entretenir au dedans vne si grande correspondance dans la maison Royale, comme celle qui y est à present? Ne sçait-on pas bien à quelles intrigues ces changemens-là donnent matiere? Et est-on asseuré que toutes les cabales conuinssent en vn autre aussi bien qu'en celuy-cy? Et qu'un nouveau venu eust l'autorité de les balancer dans les occasions, & l'adresse de le faire avec succez? cōme il a fait en vn temps, où toute la prudence humaine auroit iuré qu'il n'en viendrait iamais à bout? Et ne pourroit-on pas raisonnablement apprehender qu'il n'arriua en France, apres qu'elle auroit perdu le Cardinal Mazarin, ce qui arriua dans l'Empire Romain apres qu'il eust perdu Crassus\*? Pompée ne pouuoit rien

\* *Tēporis angustia inuasisse concordia discors.*

*Paxque fuit non spōte dumcum: nam sola futuri*

*Crassus erat medius belli moia qualiter undas*

*Quisecat & geminū gracilis mare se parat Isthmos.*

*Nec patitur cōferre sicum: si terra recedat.*

*Ionium Aegea frangat mare.*  
*Ge. Luc. li. i. Pharsal.*



souffrir d'égal à soy, dit Lucain, & Cesar ne pouuoit rien endurer au dessus de soy. Crassus ménagea long temps leurs esprits, & fit entre ces deux grands hommes ce que fait l'Isthme de Corinthe entre les deux mers d'Ionic & d'Egée : mais dès qu'ils n'eurent plus cette digue deuant eux, on les vid se déborder l'un contre l'autre avec tant d'impetuosité, que toute la terre en fut desolée.

Voila cette longue suite de biens que doit apporter l'éloignement de ce grand Ministre, & ce nombre infiny de maux dont il est l'auteur. D'où il est aisé de voir, Que la voix du peuple qui crie contre luy, n'est point la voix de Dieu, pource que ce n'est point la voix de la verité, dont il est le principe : mais plustost de ces voix que le Prophete appelle des voix d'iniquité, & de tromperie.

Verba oris  
eius iniqui-  
tas, & dolus.  
*Psalm. 34.*

**F I N.**





